

重修唐山縣志敘

今欲舉百里內之山川風土百
餘年之變故廢興萃諸簡編瞭
然指掌豈惟攷獻徵文旁搜遠
紹云爾哉必將采之極其博擇
之極其精有徵信無遺漏焉差
無憾耳周禮史官掌邦國四方

之事達四方之志然則志也者
將爲史官所采焉可不務乎唐
雖蕞爾邑然有城社卽有教化
有士庶卽有賢愚有土地卽有
物產愬而置之慎已爰攷唐山
縣志自康熙十九年朱前令諱
魁鼇者纂脩後迄今將二百年

矣其間時事之變遷民物之衰
盛滄海桑田不勝俚指初不特
忠孝節義宦達科名之錯出其
間者爲實繁有徒也方今

聖天子偃武脩文廣搜典籍

宰輔奉揚休命設志局於省垣俾
畿輔首善之區志乘燦備凡在下

吏孰不博訪旁求冀土壤蹢躅之益雖然脩志難脩志於唐山則難之又難蓋志之體例與史畧同王文恪公姑蘇志韓五泉朝邑志當時猶或譏之況其下焉者乎此脩志之難也唐山地偏閱時又久無故家大族之家

乘著述可以參証而士之帶經而鋤者又多悃悃無華罔諳掌故其文其獻俱不足徵故乾嘉以前之義夫節婦孝子名賢往往闕焉莫攷蓋欲訪之而遺老盡矣此脩志於唐山所以難之又難也攷之郡志唐山有易庵

文肖岩字于台畫當時號爲三
絕而節孝志內有許璠之妻蘇
氏舊志皆遺而不載夫人至采
入郡志其爲卓卓也可知矣然
猶且遺之脩志之職敢輕言哉
脩志者以康對山武功縣志陸
清獻公靈壽縣志並稱美善武

功縣人物志載后稷唐高祖太宗列女志載姜嫄大姜世推特識此志載周太祖世祖並柴皇后蓋援其例靈壽縣志不登寺院不載坊表不及前人文字之彰著者此志刪舊志寺院門列於村鎮之中坊表亦概從其畧

以抑奔競至所采文字亦必有
關於世道人心並足資攷証者
方列簡端又於舊志外添列武
備一門寓安不忘危之意斟酌
損益庶無遺憾至於參互考訂
則教諭杜君靄訓導李君飛鳴
爲力居多凡十閱月而歲事於

是覽堯山孔崗而景仰篤焉登
干言崦嶠而疆域正焉誦山樞
蟋蟀而風俗美焉雖屢遭巨浸
地多沙壓不無土磽賦重之歎
然民勞則思善觀夫孝義貞節
之疊出其間未必非勞之者有
以勸之也凡邑之人其可以興

感也已爲敘

皇清光緒七年歲次重光大荒落知

唐山縣事蘇玉撰

重脩唐山縣志序

查社史之宗職方志之始經古
之作史者類取材於志豈能以
史職要志職詳乎所以使職要
罔缺職詳罔濫是貴出以至公
之心人不外羣萃州雷之倫也

示我以閭族黨之迂有顧忌則
心不公有護惜則心示公有阿
曲則心又不公心既不公即廣
為撓羅詳為討論何以資政鏡
而備輶軒耶唐志創於前明萬
厯間至國朝順治初年陽侯

肆雲民廬學舍鞠為茂草而志
以散軼多故今所傳者迺康熙
十二年知縣孫君續重修者內
有康熙十九年知縣朱君魁鰲
續補數則迄今幾二百年會邑侯
蘇君輝山來宰是邑三年中

百廢具興勤勞備至敷教化勸
農桑民無繁訟囹圄草滿雍
化洽洵稱上理矣又奉 憲檄
修志謀於兩學開局採訪余自
愧翦陋竊虞蚊負次恐失畧又
懼失誣不敢以一人之聞見約

累十二社之事蹟必彙集社紳
士之耳目攷據確實庶無遺憾
阿曲迺披讀舊志缺者補殘者
綴復增續多條以明沿革因各
卷十四訂冊八取前志而少事
更張者一遵去省局之規條也

凡在志局多有採輯之責偶以
遺濫咎之可援至於斟酌取舍
於至公之中細加衡鑑余亦惟
時兢兢焉形志也邑侯蘇君輝
山總集其成同寅李君在軒邑
明經賈君序東世襄脞事又得

諸紳士赴局採訪多奏爾能裒
集成帙褒美勸善以示風化公
好公論不參私臆至於田賦沿
革源流曲折莫由攷按遺憾良
多仍俟博物攷慎從事八閱月
而檣成又數月而剗刷畢